

La Ciltificazioni 'eldi COVID-19



Chi Cos'è la ciltificazioni 'eldi Covid-19?

La Ciltificazioni 'eldi COVID-19 nasci pa' fazilittà la libbara cilculazioni in sigurànzia di li zittadini ill'Unioni europea in fra di l'epidimia di COVID-19.

Attista di aé fattu la vaccinazioni o di esse negativi a lu test o di esse sanati da lu COVID-19.

La Ciltificazioni cuntene un **QR Code** chi palmetti d'avvilguanni chi sia 'éru e valitu.

La Cummissioni europea à criatu unu rimpianu cumunu (Gateway europeo) pa' fa fidi chi li ciltificati emessi da li Stati europei pòssini esse avvilguati in dugna Paesi di l'UE.

In Italia la Ciltificazioni veni emissa sòlu pal mezu di lu Rimpianu Nazionali di lu Ministèri di lu Salutu in fulmatu sia **digitali** sia **di papèri**.




Comune di Sant'Antonio di Gallura



Regione Autonoma della Sardegna



A cosa selvi lu ciltificatu 'eldi rinfulzatu?



Lu ciltificatu 'eldi "rinfulzatu" è dummandatu in zona cana, in zona groga e in zona arancioni pa' azzidí a attivitai e silvìzii chi d'altu manéra sarñani stati ugghjettu di ristrizioni sigundu li réguli in attu abali, e illu 'rrispettu di li réguli di la zona cana.

Figghjula la **tabella** di l'attivitai cunsintuti chena ciltificazioni 'eldi, li chi sò cunsintuti cun ciltificazioni 'eldi "basi" e chissi cun ciltificazioni 'eldi "rinfulzatu". Anda a **governo.it**: abbri un balconi nòu innantu a governo.it

Da la dì 15 di friaggu di lu 2022, a tutti li **trabaddadóri** di lu sittóri pùbbricu e priatu, da li 50 anni in insù, è dummandatu lu **ciltificatu 'eldi rinfulzatu**, finza a la dí 15 di làmpata di lu 2022.

Da la dí 30 di natali di lu 2021 a la dí 31 di malzu di lu 2022 li stragni podarani azzidí a li strutturi residenziali, sociu-assistenziali, sociu-sanitari, 'spizi e hospice sòlu fruniti di ciltificatu 'eldi booster, cunzessu dapói d'aé fattu la telza dosi di richjamu.

Ca' no à ancóra fattu la telza dosi di richjamu podarà trattà lu ciltificatu 'eldi riciutu dapói d'aé fattu lu ciclu vaccinali primàriu cumprettu o dapói d'esse sanati, ma li toccarà mustrallu insembi a un documentu, di papéri o digitali, di un test antigénicu lestru o molecolari, fattu in fra di li 48 ori a innanzi, chi attèstia l'ésitu negativu a lu SARS-CoV-2.



Comune di Sant'Antonio di Gallura



Regione Autonoma della Sardegna



Chi differenzia v'à tra ciltificatu 'eldi basi, rinfulzatu e booster?



La differènzia inghìtta ca' scèri di Ciltificazioni 'eldi COVID-19 sò vàliti pa' differenti trattugnu e tretti di tempu, chi pòni mutà cun l'andànzia di la situazioni epidemiològica.

- **Ciltificatu 'eldi basi:** si intendi la Ciltificazioni 'eldi COVID-19 dapòi di d'ae fattu lu vaccinu, di esse sanàti, di un test antigénicu lestru o molecolari cun risultatu negativu.
- **Ciltificatu 'eldi rinfulzatu:** si intendi sòlu la Ciltificazioni 'eldi COVID-19 dapòi d'ae fattu lu vaccinu o dapòi d'esse sanàti. Lu ciltificatu 'eldi rinfulzatu no cumprendi, dunca, fà un test antigénicu lestru o molecolari.
- **Ciltificatu 'eldi booster:** si intendi la Ciltificazioni 'eldi COVID-19 cunzessa dapòi d'ae fattu la dosi di richjamu, dapòi di lu ciclu vaccinali primmàriu cumprettu.

Ca' no à ancòra fattu la dosi di richjamu podarà trattà lu ciltificatu 'eldi rinfulzatu, chissu dapòi di lu ciclu vaccinali primmàriu cumprettu o dapòi d'esse sanati, ma li toccarà mustrallu insembi a un documentu, di papèri o digitali, di un test antigenicu lestru o molecolari, fattu illi 48 ori a innanzi, chi attèstia l'ésitu negativu a lu SARS-CoV-2.

Pa' dugna galitai di ciltificazioni 'eldi fèlmani vàliti l'esenzioni pa' li stèddi sott'a li 12 anni e pa' li chi àni una ciltificazioni mèdica idònea cunzessa.



Comune di Sant'Antonio di Gallura



Regione Autonoma della Sardegna



Comu avveni l'avvilguamentu di lu ciltificatu 'eldi dapòi di la dosi di richjama, innummata «booster»?



Li cumputi pòni esse fatti trattendi l'**app VerificaC19**, chi résci a ricunniscí l'aliditai di li ciltificati trattendi l'impustazioni **BOOSTER** presentu illu menu "Scéra d'avvilguamentu", chi anda sciuaràta da lu chi avvinguiggja prima di fa la scansioni di lu QR code.

Abali lu ciltificatu 'eldi booster è dummandatu sòlu pa' l'azzessu di li stragni a li strutturi residenziali, sociu-assistenziali, sociu-sanitari, 'spizi e hospice.

Ammenta chi pa' **ciltificatu 'eldi booster** si intendi lu ciltificatu 'eldi COVID-19 cunzessu dapoi d'aé fattu la telza **dosi di richjama**, dapòi di lu ciclu vaccinali primmàriu cumprettu, invece **ca' no à ancóra fattu la telza dosi di richjama**, pa' azzidí a attivitai e silvìzii undi è dummandatu lu ciltificatu 'eldi booster, podarà trattà lu ciltificatu 'eldi riciutu dapòi di ciclu vaccinali primmàriu cumprettu o dapòi d'esse sanatu e **mustràllu** insempi a un documentu, di papèri o digitali, chi attèstia d'aé fattu, in fra di li 48 ori a innanzi, **un test** antigénicu lestru o molecolari, cun esitu **negativu** a lu SARS-CoV-2.

- Illu casu di scansioni di un ciltificatu 'eldi COVID-19 da vaccinazioni cun telza dosi di richjama (booster), l'App torrarà la schelmata 'eldi di ciltificatu vàlitu,
- pa' contra, illu casu di scansioni di ciltificatu 'eldi COVID-19 dapòi di ciclu vaccinali primmàriu cumprettu o dapòi d'esse sanati, l'App torrarà una schelmata arancioni cun la rinchesta a mustrà un test antigénicu lestru o molecolari negativu.



Comune di Sant'Antonio di Gallura



Regione Autonoma della Sardegna



Comu avveni l'avvilguamentu di lu ciltificatu 'eldi rinfulzatu?



Li cumputi póni esse fatti trattendi **l'app VerificaC19**, chi résci a ricunniscì l'alidità di li ciltificàti trattèndi l'impustaziòni **RINFULZATA** presenti illu menu "Scéra d'avvilguamentu", chi anda sciuarata da l'avvilguadóri primma di fa la scansioni di lu QR code.

Chista impustaziòni **anda trattata sòlu illi casi undi è dummandatu lu ciltificatu 'eldi rinfulzatu**, dunca sòlu dapòi di vaccinazioni o di esse sanati, pa' usufruì di l'attivitai o di lu silvíziu.



Comune di Sant'Antonio di Gallura



Regione Autonoma della Sardegna

